








# Erihera embutho: Omwatsi wa Wangari Maathai

-  Nicola Rijsdijk
-  Maya Marshak
-  Amos Mubunga Kambere
-  3
-  Olukonjo



Omwakyalo kighuma, okwamalambo  
owokwakithwa ekye Kenya omwa Africa eyikasira  
elyuba, yabya omumbesa inyakasiba omwirima na  
mama wiwe, Erina liwe abya Wangari.



Wangari inyanzire eribya eyihya. Omwirima  
ly'ebyalya inyatakulha ekithaka omwa kipanga kiwe.  
Neryo inyakahera embutho omwa mahya  
omwamuthaka.



Omusika inyanzire obuthuko bwenkyakya. Neryo bukira omwigholhogholho akaminya athi esaha yerikulhuka yamahika. Neryo inyakakwama akayira akakalhaba okwamisike y'amalima, nerisoka esyanyusi.



Wangari abya mumbesa w'amange, isyangalinda erighenda omw'itendekero. Kyonga mama na thatha wiwe babyabanzire inyikalha eka eribawathikya. Abere ahika emyaka musangyu, mukulhu wiwe mwa sonasona ababuthi athi bamuleke aghende angatsuka erisoma.



Mwanza ekisoma! Wangari mwaminya bindu binene habwerisoma bitabu binene. Mwakolha ndeke omwa masomo neryo abakulhu bamamusaba eriyasomera omw'Amarica. Wangari mwabunyahirwa! Mwanza eriyitheghererya eby'ekihugho kyosi.



Okwa University om'America Wangari mwasoma bindu binene. Mwasoma okwabithi ngokubikalhasa nerikulha. Neryo nayo amibuka ngokwakulha: erisatha emisatho haima nabaghalha babo ahisi yebitsutsu omwabibira by'emisithu ye'Kenya.



Eyanasomera kutsibu mwasa akalangira kwanzire abandu be'Kenya. Mwanza erilhangira athi nabo bakayira obughabe, neribya netseme. Ekisomo kinene ikikaleka iny'ibuka abandu biwe ab'Africa.





Abere aghunza ekisomo kiwe, mwasuba ewabu e'Kenya. Mwasangana ekihugho ikyabirihinduka. Amalima inyabirikanya. Emithi eyesyangwe isiyikyiriyo. Abandu banene inibanaku n'abana ibakahwa n'enzalha.



Wangari mwaminya ekyerikolha. Mwatsuka erisomesya abaghole erihera emithi. Neryo yabirikulha mubatsuka erighuliayo, nerithunga esyambulho esyeriwathikya ebihanda byabu. Abaghole mubayisyetha. Wangari mwabawathikya eriyira amani neriyikolera.



Obuthuku bwamabya bwabirilhaba emithi yaherawa yamahinduka misithu, kandi nesyanyusi syamatsuka erisenda kutsibu. Omwatsi w'omumbesa Wangari mwaminyikalha omwa Africa yosi. Munabwire obuthabarika bwemithi bwamabirihwa erilhwa omwambutho ya Wangari.



Erikolha kutsibu lya Wangari mulyaminywa nekihugho kyosi. Neryo mubamuha ewasinjya eyembaghane. Mubamwambalya Omudali ow'Obuholho. Mwabya Mughole w'okubanza omw'Africa eriambalibwa omudali oyo.




Wangari mwaholha 2011, Aliriryo thukabya thukalangira omuthi owiwene, neryo thukibuka omughole Wangari.




# Global Storybooks

[globalstorybooks.net](http://globalstorybooks.net)

## Erihera embutho: Omwatsi wa Wangari Maathai

 Nicola Rijdsijk

 Maya Marshak

 Amos Mubunga Kambere

